


土岐文庫
文庫17
W123
3



13-3

文庫 17
W123
3

杜工部集卷之六目錄

古詩五十三首

杜鵑

客居

客堂

石硯

水閣朝霽簡嚴雲安

贈鄭十八賁

杜集卷六目錄

玉勾草堂

昭和六十年二月一日
王岐善唐氏寄贈

010185185813

三韻三篇

青絲

近聞

蠶穀行

折檻行

引水

古柏行

縛雞行

負薪行

最能行

寄裴施州

鄭典設自施州歸

柴門

貽華陽柳少府

雷

火

戲呈元二十一曹長

牽牛織女

毒熱寄簡崔評事十六弟

殿中楊監見示張旭草書圖

楊監又出畫鷹十二扇

送殿中楊監赴蜀見相公

贈李十五丈別

西閣曝日

課代木

園人送瓜

信行遠修水筒

槐葉冷淘

行官張望補稻畦水歸

催宗文樹雞柵

園官送菜

上後園山脚

驅豎子摘蒼耳

秋行官張望督促東渚耗稻向畢清晨

遣女奴阿稽豎子阿段問

阻雨不得歸灤西甘林

雨

雨二首

晚登灤上堂

又上後園山脚

雨

甘林

雨

種高菘

暇日小園散病將種秋菜督勒耕牛兼

書觸目

杜工部集卷之六目錄終

杜工部集卷之六

古詩五十三首

居雲安及至夔州作

杜鵑



西川有杜鵑東川無杜鵑涪萬無杜鵑雲安
有杜鵑我昔遊錦城結廬錦水邊有竹一頃
餘喬木上參天杜鵑暮春至哀哀叫其間我
見常再拜重是古帝魂生子百鳥巢百鳥不
敢嗔一作喧仍為餒其子禮若奉至尊鴻鴈及

羔羊有禮太古前行飛與跪乳識序如一作
知恩聖賢古一作法則付與一作後世傳君
看禽鳥情猶解事杜鵑今忽暮春間值我病
經年身病不能拜淚下如遊泉

客居

客居所居堂前江後山根下塹萬尋岸蒼濤
鬱飛翻葱青衆木梢邪豎雜石痕子規晝夜
啼壯士斂精魂峽開四千里水合數百源人
虎相半居相傷終雨存蜀麻久不來吳鹽擁
荆門西南失大將商旅自星奔今又降元戎
已聞動行軒舟子候利涉亦憑節至尊我在
路中央生理不得論臥愁病脚廢徐步視小
園短畦帶碧草悵望思王孫鳳隨其皇去籬
雀暮喧繁覽物想故國十年別荒村日暮歸
幾翼北林空自昏安得覆八溟為君洗乾坤
稷契易為力犬戎何足吞儒生老無成臣子

夢四番篋中有舊筆情至時復援

客堂

憶昨離少城而今異楚蜀舍舟復深山窅窕

一林麓棲泊雲安縣消中內相毒舊疾甘載

一作戰來衰年得無足一作得無足死為殊

方鬼頭白兔短促老馬終望雲南鴈意在北

別家長兒女欲起慚筋力客堂敘節改具物

對羈束石暄蕨芽紫渚秀蘆筍綠巴鷲一作

紛未稀微麥早向熟悠悠日動江漠漠春辭

木臺郎選才俊自顧亦已極前輩聲名人埋

沒何所得居然縮章紱受性本幽獨平生憇

息地必種數竿竹事業只濁醪營葺但草屋

上公有記者累奏資薄祿主憂豈濟時身遠

彌曠職循鮑作脩文廟算正獻可天衢直尙想

趨朝廷毫髮裨社稷形骸今若是進退委行

色

石硯詩

平侍御者

平公今詩伯秀發吾所羨奉使三峽中長嘯
得石硯巨璞禹鑿餘異狀君獨見其滑乃波
濤其光或雷電聯坳各盡墨多水遞隱現揮
灑容數人十手可對面比公頭上冠貞質未
為賤當公賦佳句況得終清宴公舍起草姿
不遠明光殿致于丹青地知汝隨顧盼

水閣朝霽奉簡嚴雲安

一作雲安嚴明府

東城抱春岑江閣鄰石面崔嵬晨雲白朝旭
一作射射芳甸雨檻臥花叢風床展書卷
一作展輕幔鈎簾宿鷺起丸藥流鸞囀呼婢取酒壺續
兒誦文選晚交嚴明府矧此數相見

贈鄭十八賁

溫溫士君子令我懷抱盡靈芝冠衆乃安得
闕親近遭亂意不歸竄身跡非隱細人尙姑
息吾子色愈謹高懷見物理識者安肯哂卑

飛欲何待捷徑應未忍示我百篇文詩家一
標準羈離交屈宋牢落值顏閔水陸迷畏作
長途藥餌駐修軫古人日以遠青史字不泯
步趾詠唐虞追隨飯葵藿數盃資好事異味
煩縣尹心雖在朝謁力與願矛盾抱病排金
門衰容豈為敏

三韻三篇

高馬勿唾一作面長魚無損鱗辱馬馬毛焦

困魚魚有神君看磊落士不肯易其身

蕩蕩萬斛船影若揚白虹揚一作搖起檣必椎牛

挂席集衆功自非風動天莫置大水中

烈一作士惡多門小人自同調名利苟可取

殺身傍權要何當官曹清爾輩堪一笑

青絲

青絲白馬誰家子麤豪且逐風塵起不聞漢
主放妃嬪近靜潼關掃蜂蟻殿前兵馬破汝

時十月卽爲糞粉期未如一作面縛歸金闕
萬一皇恩下玉墀

近聞

近聞犬戎遠遁逃牧馬不敢侵臨洮渭水透
迤白日淨隴山蕭瑟秋雲高崆峒五原亦無
事北庭數有關中使似聞贊普更求親舅甥
和好應難棄

蠶穀行

天下郡國向萬城無有一城無甲兵焉得鑄
甲作農器一寸荒田牛得耕牛盡耕田一有蠶
亦成不勞烈士淚滂沱男穀女絲行復歌

折檻行

嗚呼房魏不復見秦王學士時難羨青衿胄
子困泥塗白馬將軍若雷電千載少似朱雲
人至今折檻空嶙峋婁公不語宋公語尙憶
先皇容直臣

引水

月峽瞿塘雲作頂亂石崢嶸俗無井雲安沽
水奴僕悲魚復移居心力省白帝城西萬竹
蟠接筒引水喉不乾人生留滯生理難斗水
何直百憂寬

古柏行

孔明廟前一作有老柏柯如青銅根如石霜
一作皮溜雨一作四十圍黛色參天二千尺

君臣已與時際會樹木猶為人愛惜雲來氣

接巫峽長月出寒通雪山白憶昨路遶錦亭

一作東先主武侯同闕宮崔嵬枝榦郊原古

窈窕丹青戶牖空落落盤踞雖得地冥冥孤

高多烈風扶持自是神明力正直原因造化

功大厦如傾要梁棟萬牛迴首邱山重不露

文章世已驚未辭剪伐誰能送苦心豈免容

螻蟻香一作葉終一作經一作宿鸞鳳志士

幽人莫怨嗟一作傷古來材大難為用一作難用

縛雞行

小奴縛雞向市賣雞被縛急相喧爭家中厭
雞食蟲蟻不知雞賣還遭烹蟲雞于人何厚
薄吾叱奴人解其縛雞蟲得失無了時注目
寒江倚山閣

負薪行

夔州處女髮半華四十五十無夫家更遭喪
亂嫁不售一生抱恨堪一作長咨嗟土風坐男
使女立應一作坡當門戶一作應女出入十猶
一作有八九負薪歸賣薪得錢應一作當供給至
老雙鬢一作環只垂頸野花山葉銀釵竝筋力
登危集市門死生射利兼鹽井面粧首飾雜
啼痕地褊衣寒困石根若道巫山女麤醜何
得此一作北有昭君村

最能行

峽中丈夫絕輕死，少在公門多在水。富豪有
 錢駕大舸，貧窮取給行牒子。小兒學問止論
 語，大兒結束隨商旅。欵帆側施入波濤，撇漩
 捎瀆無險阻。朝發白帝暮江陵，頃來目擊信
 有徵。瞿塘漫天虎鬚眼，一作怒歸州長年行作
 與最能此鄉之人氣。一作器量窄悞競南風疎
 北客若道士，一作無英俊才何得山有屈原
 宅。

寄裴施州

廊廟之具裴施州，宿昔一逢無此一作比流金
 鐘大鏞在東序，冰壺玉衡英華作珩懸清秋。自從
 相遇感晉作戚多病，三歲為客寬邊愁。堯有四
 岳明至理，漢二千石真分憂。幾度寄書白鹽
 北，苦寒贈我青羔一作絲裘。霜雪迴光避錦袖，
 龍虵刊作蛟龍動篋蟠銀鈎。紫衣使者辭一作辟復
 命，再拜故人謝佳政。將老已失子孫憂，後來

况接才華盛英華此句下有遙憶書樓碧池映七字

鄭典設自施州歸

吾憐榮陽秀冒暑初有適名賢慎所出一作出處

不肯忘行役旅茲殊俗遠一作還竟以屢空迫

南謁裴施州氣合無險僻攀援懸根本登頓

入天草堂陳浩然竝作矢石青山自一川城郭洗憂憾

聽子話此邦令我心悅懌其俗則一作甚純朴

不知有主客溫溫諸侯門禮亦如古昔勅厨

倍常羞杯盤頗狼籍時雖屬喪亂事貴賞一作

當匹敵中宵愜良會裴鄭非遠戚羣書一萬

卷博涉供務隙他日辱銀鈎森疎見矛戟倒

屣喜旋歸畫地求一作來所歷乃聞風土質又

重田疇關刺史似寇恂列郡宜競惜一作借音迹

北風吹瘴癘羸老思散策渚拂蒹葭塞一云寒

嶠穿蘿蔦冪此身仗兒僕高興潛有激孟冬

方首路強飯取崖壁歎爾疲駑駘汗溝血不

赤終然備外飾，駕馭何所益。我有平肩輿，前途猶準的。翩翩入鳥道，庶脫蹉跌厄。

柴門

孤一作泛舟登瀛西，迴首望兩崖。東城乾旱天，

其氣如焚柴。長影沒窈窕，餘光散唵呀。大江

蟠嵌根，歸海成一家。下衝割坤軸，竦壁攢鑊

鄒。蕭颯灑秋色，氛一作氣昏霾。日車峽一作門

自此始，最窄容浮查。禹功翊造化，疏鑿就欹

斜。巨渠決太古，衆水為長蛇。風煙渺吳蜀，舟

楫通鹽麻。我今遠遊子，飄轉混泥沙。萬物附

本性，約一作處身一作性不願一作欲奢。茅棟蓋一

床，清池有餘花。濁醪與脫粟，在眼無吝嗒。山

荒人民少，地僻日夕佳。貧病一作賤固其常，富

貴任生涯。老于干戈際，宅幸蓬藁遮。石亂上

雲氣，杉清一作青延月日一作日華。賞妍又分外，理

愜夫何誇。足了垂白年，敢居高士差。書此豁

平昔迴首猶暮霞

貽華陽柳少府

繫馬喬木閒問人野寺門柳侯披衣笑

晉作嘯

見我顏色溫竝坐石下堂

一云堂下石
一云石堂下俛視

大江奔火雲洗月露絕壁上朝暎自非曉相

訪觸熱生病根南方六七月出入異中原老

少多暍死汗踰水漿翻俊才得之子筋力不

辭煩指揮當世事語及戎馬存涕淚一云流涕濺

我裳悲氣排帝闈鬱陶抱長策義仗知者論

吾衰臥江漢但媿識璵璠文章一小技於道

未為尊起予幸斑白因是託子孫俱客古信

州結廬依毀垣相去四五里徑微山葉繁時

危挹佳士况免軍旅喧醉從趙女舞歌鼓秦

人盆子壯顧我傷我驩兼淚痕餘生如過鳥

故里今空村

雷

大旱山岳焦密雲復無雨一云覆如南方瘴癘

地惟此農事苦封內必舞雩峽中喧擊鼓真

龍竟寂寞土梗空俯僂吁嗟公私病稅斂缺

不補故老仰面啼瘡痍向誰數暴殄或前聞

鞭巫非稽古請先偃甲兵處分聽人主萬邦

但各業一物休盡取水旱其數然一云數至然堯

湯免親覩上天鑠金石羣盜亂豺虎二者存

一端愆陽不猶愈昨宵殷其雷風過齊萬弩

復吹霾翳散虛覺神靈聚氣喝腸胃融汗滋

火

衣裳汚一云腐吾衰尤拙計一云計拙失望築場圃

楚山經月火大旱則斯舉舊俗燒蛟一作龍

驚惶致雷雨爆嵌魑魅泣崩凍嵐陰聒羅落

沸百洑根源皆萬一作太古青林一灰燼雲氣

無處所入夜殊赫然新秋照牛女風吹巨焰

作河棹一作淡騰一作勝煙柱勢欲焚崑崙光彌

焮洲渚腥至焦長蛇聲吼一云纏猛虎神物

已高飛不一作見石與土爾寧要謗讎憑此

近熒侮薄關長吏憂甚昧至精主遠遷誰撲

滅將恐及環堵流汗臥江亭更深氣如縷

七月三日亭午已後較熱退晚加小涼

穩睡有詩因論壯年樂事戲呈元二十

一曹長

今茲商用事餘熱亦已末衰年旅炎方生意

從此活亭午滅汗流北鄰耐人聒晚風爽鳥

匿筋力蘇摧折閉目踰十旬大江不止渴退

藏恨雨師健步聞一作旱魃園蔬抱金玉無

以供採掇密雲雖聚散徂暑終一作衰歇前

聖眷焚巫武王親救賜陰陽相主客時序遞

迴幹灑落唯清秋昏霾一空闊蕭蕭紫塞鴈

南向欲行列歛思紅顏日霜露凍堦闔胡馬

挾彫弓鳴弦不虛發長鉞逐一作狡兔突羽

當滿月惆悵白頭吟蕭條游俠窟臨軒望山
閣縹緲安可越高人煉丹砂未念將朽骨少
壯跡頗疎歡樂曾倏忽杖藜風塵際老醜難
翦拂吾子得神仙本是池中物賤夫美一睡
煩促嬰詞筆

牽牛織女

牽牛出河西織女處其東萬古永相望七夕
誰見同神光一作意一作難候此事終蒙朧

颯然精靈合何必秋遂通亭亭新粧立龍駕
具曾空一作穹世人亦為爾祈請走兒童稱家

隨豐儉白屋蓬公宮膳夫翊堂殿鳴玉淒房
櫛曝衣遍天下曳月揚微風蛛絲小人態曲

綴一作綴瓜果中初筵滾重露日出甘所終一作
從從嗟汝未嫁女秉心鬱忡忡防身動如律竭

力機杼中雖無姑舅事敢昧織作功明明君
臣契咫尺或未容義無棄禮法恩始夫婦恭

小大有佳期戒之在至公方圓苟齟齬丈夫

多英雄一云勿替丈夫雄

毒熱寄簡崔評事十六弟

大暑一作火運金氣荆揚不知秋林下有場翼

水中無行舟千室但掃地閉關人事休老夫

一作大轉不樂旅次兼百憂蝮蛇暮偃蹇空牀

難暗投炎宵惡明燭況乃懷舊邱闕襟仰內

弟執熱露白頭束帶負芒刺接居成阻修何

當清霜飛會子臨江樓載聞大易義諷興一作

咏詩家流蘊藉異時葦檢身非苟求皇皇使

臣體信是德業優楚材擇杞梓漢苑歸驂驪

短章達我心理為一云待識者籌

殿中楊監見示張旭草書圖

斯人已云亡草聖秘難得及茲煩見示滿目

一凄惻悲風生微綃萬里起古色鏘鏘鳴玉

動落落羣松直連山蟠其間溟漲與筆力有

練實先書臨池真盡墨俊拔爲之主暮年思
轉極未知張王後誰竝百代則嗚呼東吳精
逸氣感清識楊公拂篋筭舒卷忘寢食念昔
揮毫端不獨觀酒德

楊監又出畫鷹十二扇

近時馮紹正能畫鷲鳥樣明公出此圖無乃
傳其狀殊姿各獨立清絕心有向一作疾禁

千里馬氣敵萬人將憶昔驪山宮冬移含元

仗天寒大羽獵此物神俱王當時無凡材百

中皆用壯粉墨形似開識者一惆悵干戈少

暇日真骨老崖嶂爲君除狡兔會是翻一作飛

講上

送殿中楊監赴蜀見相公

去水絕還波洩雲無定姿人生在世閒聚散
亦暫時離別重相逢偶然豈定期送子清秋
暮風物長年悲豪俊貴勲業邦家頻出師相

公鎮梁益軍事無子遺解榻再見今用才復
擇誰況子已高位為郡得固辭難拒供給費
慎哀漁奪私干戈未甚息紀綱正所持汎舟
巨石橫登陸草露滋山門日易久一云夕當念
居者思

贈李十五丈別

峽人鳥獸居其室附層巔下臨不測江中有
萬里船多病紛倚薄少留改歲年絕域誰慰
懷開顏喜名賢孤陋忝末親等級敢比肩人
生意頗一作氣合相與襟袂連一日兩遣僕三
日一共筵揚論展寸心壯筆過飛泉元成美
價存子山舊業傳不聞八尺軀常受眾目憐
且為辛苦行蓋被生事牽北迴白帝棹南入
黔陽天泝公制方隅迴出諸侯先封內如太
古時危獨蕭然清高金莖露一作金掌露正
直朱絲絃昔在堯四岳今之黃穎川于邁恨

不同所思無由宣山深水增波解榻秋露懸
客遊雖云久主要陳作亦思月再圓晨集風渚亭
醉操雲嶠篇丈夫貴知己歡罷念歸旋

西閣曝日

凜冽倦元冬負暄嗜飛閣羲和流德澤顛頊
愧倚薄毛髮具自和一作私肌膚潛沃若太陽
信深仁衰氣歛有託欵傾煩注眼容易收病
脚流離或作木杪一作猿翮躑山顛鶴用作刊

朋知苦聚散哀樂日已作一作亦即事會賦

詩人生忽如昨一作錯古來遭喪亂賢聖盡蕭

索胡為將暮年憂世心力弱

課伐木并序

課隸人伯夷幸一作辛秀信行等入谷斬陰

木人日四根止維條伊枚正直挺然晨征

暮返委積庭內我有藩籬是缺是補載伐

篠蕩伊仗一作杖支持則旅次于小安山有

虎知禁若恃爪牙之利必昏黑檀

晉作撐一作塘

突夔人屋壁列

一作例

樹白菊

一作荷

鏝為墻

實以竹示式過為與虎近混淪乎無良賓

客憂

一作齒

害馬之徒苟活為幸可嘿息已

作詩示宗武

一作文一作誦

長夏無所為客居課奴

一作童

僕清晨飯其腹

一作賜

持斧入白谷青冥曾巔後十里斬陰木

人肩四根已亭午下山麓尚聞丁丁聲功課日各足蒼皮成委積

吳本作積委

素節相照燭藉

汝跨小籬當仗

一云杖一云材

苦若

一云若

虛竹空荒咆

熊羆乳獸待人肉不示知禁情豈惟干戈哭

城中賢府主處貴如白屋蕭蕭理體淨蜂蠆

不敢毒虎穴連里間隄防舊風俗泊舟滄江

岸久客慎所觸舍西崖嶠壯雷雨蔚含蓄墻

宇資屢修衰年怯幽獨爾曹輕執熱為我忍

煩促秋光近青岑季月當泛菊報之以微寒

共給酒一斛

園人送瓜

江間雖炎瘴瓜熟亦不早柏公鎮夔國滯務

茲一作資一掃食新先戰士共少及溪一作窮老

傾筐蒲鵠青滿眼顏色好竹竿接嵌竇引注

來鳥道沈浮亂水玉愛惜如芝草落刃嚼冰

霜開懷慰枯槁許以秋蒂除仍看小童一作兒

抱東陵一作跡燕絕楚漢休征討園人非故候種此何草草

信行遠修水筒

汝性不茹葷清靜僕夫內秉心識本一作根源

於事少滯礙雲端水筒圻林表山石碎觸熱

藉子修通流與廚會往來四十里荒險崖谷

大日曛驚未餐一作食貌赤媿相對浮瓜供老

病裂餅嘗所愛於斯答恭謹足以殊殿最詎

要方士符何假將軍蓋高麗本作佩行諸直如筆

用意崎嶇外

槐葉冷淘

青青高槐葉采掇付中厨新麪來近市汁滓
宛相俱入鼎資過熟加餐愁欲無碧鮮俱照
筯香飯兼苞蘆經齒冷于雪勸人投此一作
珠願隨金驥裏走置錦屠蘇又作路遠思恐
泥興深終不渝獻芹則小小薦藻明區區萬
里露寒殿開水清玉壺君王納涼晚此味亦
時須

行宮張望補稻畦水歸

東屯大江北一云枕百頃平若梭六月青稻
多千畦碧泉亂插秧適云已引溜加漑灌更
僕往方塘決渠當斷岸公私各地著浸潤無
天旱主守問家臣分明一作見溪伴一作芋
芋一作芋芋炯翠羽剡剡生一作銀漢鷗鳥
鏡裏來關山雪邊看秋菰成黑米精鑿一作

傳一作白粲玉粒足晨炊紅鮮任霞散終然

添旅食作苦斯壯觀遺穗及衆多我倉戒滋

蔓

催宗文樹雞柵

吾衰怯行邁旅次展崩迫愈風傳烏雞秋卵

方漫喫自春生成者隨母向百翻驅趨制不

禁喧呼山腰宅課奴殺青竹終日憎一作增

赤幘踏藉盤桉翻塞蹊使之隔墻東有隙一作增

散開地可以樹高柵避熱時來未歸問見所

為跡織籠曹其內令入不得擲稀開可一作苦

突過觜爪還汚席我寬螻蟻遭彼免狐貉厄

應宜各長幼自此均勅敵籠柵念有修近身

見一作知損益明明領處分一一當剖析不昧

風雨晨亂離減憂感其流則凡鳥其氣心匪

石倚賴窮歲晏撥煩去一作及水釋未似戶鄉

翁拘畱蓋阡陌

園官送菜 并序

園官送菜把本數日闕矧苦苣馬齒掩乎
嘉蔬傷小人妬害君子菜不足道也比而

作詩

清晨蒙一作送菜把常荷地主恩守者愆實數

畧有其名存苦苣刺如針馬齒葉亦繁青青

嘉蔬色埋沒在晉作中國園吏未足怪世事

固堪論嗚呼戰伐久荆棘暗長原乃知苦苣

輩傾奪蕙草根小人塞道路為態何喧喧又

如馬齒盛氣擁葵荏昏點染不易虞絲麻雜

羅紈一經器一作氣物內永挂麤刺痕志士探

紫芝放歌避戎軒哇丁負籠至感動百慮端

上後園山腳

朱夏熱所嬰清旭一作日步北林小園背高岡

挽葛上崎崿曠望延駐目飄飄散疏襟潛鱗

恨水川一作壯去翼依雲深勿謂地無疆劣於

山有陰石椽遍天下水陸兼浮沉自我登隴
首十年經碧岑劔門來巫峽薄倚浩至今故
園暗戎馬骨肉失追尋時危無消息老去多
歸心志士惜白日久客藉黃金敢為蘇門嘯
庶作梁父吟

驅豎子摘蒼耳

江上秋已分林一作村中瘴猶劇畦丁告勞苦
無以供日夕蓬莠獨不一作獨焦野蔬暗泉石

卷耳況療風童兒且時摘一作童僕侵星驅

之去爛熳任遠適放筐亭一作當午際洗剝相

蒙羃登牀半生熟下筯還小益加點瓜蔬閒

依稀橘一作木奴跡亂世誅求急黎民糠粃窄

飽食復何心荒哉膏粱客富家厨肉臭戰地

骸骨白寄語惡少年黃金且休擲

秋行官張望督促東渚耗一作刈稻向畢

清晨遣女奴阿稽豎子阿段往問

東渚雨今足，佇聞粳稻香。上天無偏頗，蒲稗各自長。人情見非類，田家戒其荒。功夫競楫楫，除草置岸旁。穀者命之一云本，客居安可今上。

忘青春具所務，勤墾免亂常。吳牛力容易，竝

驅去聲動莫當。一云紛豐苗亦已穰，雲水照方

塘。有生固蔓延，靜一資隄防。督領不無人，提

攜一作擊頗在綱。荆揚風土暖，肅肅候微霜。尙

恐主守疎，用心未甚臧。清朝遣婢僕，寄語踰

崇岡。西成聚必散，不獨陵我倉。豈要仁里譽，

感此亂世忙。北風吹蒹葭，蟋蟀近中堂。荏苒

百工休，鬱紆遲暮傷。

阻雨不得歸灤西甘林

三伏適已過，驕陽化爲霖。欲歸灤西宅，阻此

江浦深。壞舟百板坼，峻岸復萬尋。篙工初一

棄，恐泥勞寸心。佇一作倚立東城隅，悵望高飛

禽。草堂亂元圃，不隔崑崙岑。昏渾衣裳外，曠

絕同層陰園甘長成時三寸如黃金諸侯舊
上計厥貢傾千林邦人不足重所迫豪吏侵
客居暫封殖日夜偶瑤琴虛徐五株態側塞
煩胸襟焉得一作能輟雨一作雨足杖藜出峴嶽
條流數翠實偃息歸碧潯拂拭烏皮几喜聞
樵牧音令兒快搔背脫我頭上簪

雨

峽雲行清曉煙霧相徘徊風吹蒼江樹晦菴作去

雨灑石壁來淒淒生餘寒殷殷兼出山一作雷

白谷變氣候朱炎安在哉高鳥濕不下居人

門未開楚宮久已滅幽珮為誰哀侍臣書王

夢賦有冠古才冥冥翠龍駕多自巫山臺

雨二首

青山澹無姿白露誰能數片片水上雲蕭蕭
沙中雨殊俗狀巢居曾臺俯風渚佳客適萬
里沉思情延佇挂帆遠色外驚浪滿吳楚久

陰蛟螭出寇盜

一云冠蓋

復幾許

空山中宵陰微冷先枕席迴風起清曙萬象
萋已碧落落出岫雲渾渾倚天石日假何道
行雨含長江白連檣荊州船有士荷矛戟南
防草鎮慘霑濕赴遠役羣盜下辟山總戎備
強敵水深雲光廓鳴櫓各有適漁艇息一作自
悠悠夸歌負樵客留滯一老翁書時記朝夕

晚登灤上堂

故躋灤岸高頗免崖石擁開襟野堂豁繫馬
林花動雉堞粉如雲山田麥無壠春氣晚更
生江流靜猶湧四序嬰我懷羣盜久相踵黎
民困逆節天子渴垂拱所思注東北深峽轉
修聳衰老自成病郎官未為冗淒其望呂葛
不復夢周孔濟世數嚮時斯人各枯冢楚星
南天黑蜀月西霧重安得隨鳥翎迫此懼將
恐

又上後園山腳

昔我遊山東憶戲東嶽陽窮秋立日觀矯首
望八北一云荒朱崖著毫髮碧海吹衣裳蓐收
困用事元冥蔚強梁逝水自朝宗鎮名各其
方平原獨憔悴農力廢耕桑非關一作關風露
凋曾是成役傷於時國用富足以守邊疆朝
廷任猛將遠奪戎馬場到今事反覆故老淚
萬行龜蒙不復見況乃懷舊一作鄉肺萎屬

久戰骨出熱中腸憂來杖匣劍更上林北岡
瘴毒猿鳥落峽乾南日黃秋風亦已起江漢
始如湯登高欲有往蕩析川無梁哀彼遠征
人去家死路旁不及祖父塋纍纍塚相當

雨

山雨不作泥江雲薄爲霧晴飛半嶺鶴風亂
平沙樹明滅洲景微隱見巖姿一作拘閭出門
遊曠絕經目趣消中日伏枕臥久塵及屨豈

無平肩輿莫辨望鄉路兵戈浩未息虵虺反
相顧悠悠邊月破鬱鬱流年度鍼灸阻朋曹
糠粃對童孺一命須屈色新知漸成故窮荒
益自卑飄泊欲誰訴疋羸愁應接俄頃恐違
一作危 迕浮俗何萬端幽人有獨吳作高步龐公
竟獨往尙子終罕遇宿留洞庭秋天寒瀟湘
素杖策可入舟送此齒髮暮

甘林

捨舟越西岡入林解我衣青芻適馬性好鳥
知人歸晨光映遠岫夕露見日晞遲暮少寢
食清曠喜荆扉經過倦俗態在野無所或一云
違試問甘藜藿未肯羨輕肥喧靜不同科出
處各天機勿矜朱門是陋此白屋非明朝步
鄰里長老可以依時危賦斂數脫粟爲爾揮
相攜行荳田秋花靄菲菲子實不得喫貨市
送王畿盡添軍旅用迫此公家威主人長跪

問戎馬何時稀我衰易悲傷屈指數賊圍勸其死王命慎莫遠奮飛

雨

行雲遞崇高飛雨霽而至潺潺石間溜泊泊松上駛亢陽乘秋熱百穀皆一作亦已棄皇天德澤降焦卷有生意前雨傷卒暴今雨喜容易不可無雷霆開作鼓增氣佳聲達中宵所望時一致清霜九月天髣髴見滯穗郊扉及

我私裁云我圃日蒼翠恨無抱甕力庶減臨

江費吳若本注峽內無井取江水喫

種蒿苳并序

既雨已秋堂下理小畦隔種一兩席許蒿苳向二旬矣而苳不甲拆伊人一作獨野莧青青傷時君子或晚得微祿輟軻不進因作

此詩

陰陽一錯一作屯亂驕蹇不復理枯旱于其中

在集卷之六

炎方慘如燬植物半蹉跎嘉生將已矣雲雷

歛奔命師伯集所使指麾赤白日瀕洞青光

一作雲色起雨聲先已晉作風散足盡西靡山泉

落滄江霹靂猶在耳終朝紆颯沓信宿罷瀟

灑堂下可以哇呼童對經始菑兮蔬之常隨

事藝其子破塊數席閒荷鋤功易止兩旬不

甲坼空惜埋泥滓野莧迷汝來宗生實於此

此輩豈無秋亦蒙寒露委翻然出地速滋蔓

戶庭毀因知邪干正掩抑至沒齒賢良雖得

祿守道不封已擁塞敗芝蘭衆多盛荆杞中

園陷蕭艾老圃永為恥登于白玉盤藉以如

霞綺莧也無所施胡顏入筐篚

書觸目

暇日小園散病將種秋菜督勒耕牛兼

不愛入州府畏人嫌我真及乎歸茅宇一云及歸

在茅屋旁舍未曾嗔老病忌一作恐拘束應接喪

土集卷之六

三

玉勾草堂

精神江村意自一作日放林木心所欣秋耕屬

地濕山雨近甚勻冬菁飯之半牛力晚一作曉

來新深耕種數畝未甚後四鄰嘉蔬既不一

名數頗具陳荆巫非苦寒採擷接青春飛來

兩白鶴暮啄泥中芹雄者左翮垂損傷已露

及一作筋一步再流血尚經一作驚增繳勤三步

六號叫志屈悲哀頻鸞鳳不相待側頸訴高

曼杖藜俯沙渚為汝鼻酸辛

杜工部集卷之七目錄

古詩四十九首

八哀詩 并序

王公思禮

李公光弼

鄭國公嚴武

汝陽王璣

李公邕

蘇公源明

鄭公虔

張公九齡

寫懷二首

可歎

觀公孫大娘弟子舞劍器行 并序

往在

昔遊

壯遊

遣懷

同元使君春陵行 并序

春陵行 元結

賊退示官吏 元結

李潮八分小篆歌

覽栢中允兼子姪數人除官制詞因述

父子兄弟四美載歌絲綸

聽楊氏歌

荆南兵馬使太常卿趙公大食刀歌

王兵馬使二角鷹

狄明府

秋風二首

久雨期王將軍不至

別李秘書始興寺所居

虎牙行

錦樹行

赤霄行

前苦寒行二首

後苦寒二首

晚晴

復陰

夜歸

寄栢學士林居

未集卷一目錄

寄從孫崇簡

奉酬薛十二丈判官見贈

醉為馬墜諸公攜酒相看

別李義

送高司直尋封閬州

君不見簡蘇僊

贈蘇僊

寄薛三郎中

大覺高僧蘭若

士集卷七目錄

四

玉勾草堂

杜工部集卷之七目錄終

杜工部集卷之七

古詩四十九首

居夔州作

八哀詩

并序

傷時盜賊未息興起王公李公歎舊懷賢
終于張相國八公前後存沒遂不詮次焉

贈司空王公思禮

高麗人

司空出東夷童稚刷勁翮追隨燕薊兒穎銳

一作物不隔服事哥舒翰意無晉作流沙磧

氣無

一作流沙磧

未甚拔行間犬戎大充斥短小精悍姿屹然
強寇敵貫穿百萬衆出入由咫尺馬鞍懸將
首甲外控鳴鏑洗劒青海水刻銘天山石九
曲非外蕃其王轉深壁飛兔不近駕鷲鳥資
遠擊曉達兵家流飽聞春秋癖胸襟日沉靜
肅肅晉作蕭灑自有適潼關初潰散萬乘猶辟易
偏裨無所施元帥見手格太子入朔方至尊
狩梁益胡馬纏伊洛中原氣甚逆肅宗登寶

位塞望勢敦迫一作通公時徒步至請罪將厚

責際會清河公間道傳玉册天王拜跪畢讜

議果冰釋翠華卷飛雪一云飛雪中熊虎亘阡陌

屯兵鳳凰山帳殿涇渭關金城賊咽喉詔鎮

雄所搯禁暴清一作靖一作靜無雙爽氣春淅瀝巷

有從公歌野多青青麥及夫哭廟後復領太

原役恐懼祿位高悵望王土窄不得見清時

嗚呼就窳窳一作窳繫五湖舟悲甚田橫客

千秋汾晉間事與雲水白昔觀文苑傳豈述

廉藺績一作蹟嗟嗟晉作諾諾鄧大夫士卒終倒戟

故司徒李公光弼廣德二年七月卒

司徒天寶末北收晉陽甲胡一作獷騎攻吾城

愁寂意不愜人安若泰山薊北斷右脅朔方

氣乃多一作蘇黎首見帝業二宮泣西郊九廟

起頽壓未散河陽卒思明偽臣妾復自碣石

來火焚乾坤徽高視笑祿山公又大獻捷云

千里初妥帖青蠅紛一作徒營營風雨秋一葉

內省未入朝死淚終映睫大屋去高棟長城

掃遺堞平生白羽扇零落蛟龍匣雅望與晉作

歎英姿惻愴槐里接三軍晦光彩烈士痛稠

疊直筆在史臣將來洗箱篋吾思哭孤冢南

紀阻歸楫扶顛永蕭條未濟失利涉疲茶竟

何人洒涕巴東峽

贈左僕射鄭國公嚴公武

永泰元年卒

鄭公瑚璉器華岳金天晶昔在童子日已聞
老成名嶷然大賢後復見秀骨清開口取將
相小心事友生閱書百紙一云盡落筆四座
驚歷職匪父任嫉邪常力爭漢儀尙整肅胡
騎忽縱橫飛傳自河隴逢人問公卿不知萬
乘一作出雪涕風悲鳴受詞劔閣道謁帝蕭
關城寂寞雲臺仗飄飄沙塞旌江山少使者

笳鼓凝皇情壯士血相視一作忠臣氣一作

未平密論貞觀體揮發岐陽征感激動四極

聯翩收二京西郊牛酒再一作原廟丹青明

匡汲俄寵辱衛霍竟哀榮四登會府地三掌

華陽兵京兆空柳色一作市一作尙書無履聲羣鳥

自朝夕白馬休橫行諸葛蜀人愛文翁儒化

成公來雪山重公去雪山輕記室得何遜韜

鈴延子荆四郊失壁壘虛館開逢迎堂上指

圖一作書畫軍中吹玉笙豈無成都酒憂國只

細傾時觀錦水釣問俗終相并意待犬戎滅

人藏紅粟盈以茲報主願庶或一作獲裨世程

炯炯一心在沉沉二豎嬰顏回竟短折賈誼

徒忠貞飛燒出江漢孤舟轉荆衡虛無舊本作虛

為時本作虛橫橫馬融笛悵望龍驤瑩空餘

老賓客身上愧簪纓

贈太子太師汝陽郡王璉天寶九載卒

汝陽讓帝子眉宇真天人虬鬚似太宗色映

塞外一作寒夜春往者開元中主恩視遇頻出入

獨非時禮畢見羣臣愛其謹潔極倍此骨肉

親從容聽一作退朝後或在風雪晨忽思格猛

獸苑困騰清塵羽旗動若一萬馬蕭駢駢詔

王來射雁拜命已挺身箭出飛鞞內上又一作

人回翠麟翻然紫塞翻下拂明月輪胡人雖

獲多天笑不為新王每中一物手自與金銀

袖中諫獵書扣馬久上陳竟無銜縶虞聖聰

一作慈矧多仁官免供給費水有在藻鱗匪唯

帝老大皆是王忠勤晚年務置醴門引申白

賓道大容無能永懷侍芳茵好學尙貞烈義

形必需巾揮翰綺繡揚篇什若有神川廣不

可泝墓久狐兔鄰宛彼漢中郡文雅見天倫

何以開一作慰我悲泛舟俱遠津溫溫昔風味

少壯已書紳舊遊易磨滅衰謝增一作酸辛

贈秘書監江夏李公邕

長嘯宇宙間高才日陵一作淪替古人不可見

前輩復誰繼憶昔李公存詞林有根柢聲華

當健筆灑落富清製風流散金石追琢山岳

銳情窮造化理學貫天人際干謁走其門碑

版照四裔各滿深望還森然起凡例蕭蕭白

楊路洞徹晉作洞轍寶珠惠龍宮塔廟湧卞作湧浩

劫浮雲一作空衛宗儒俎豆事故吏去思計眇

睽已皆虛跋涉曾不泥向來映當時豈獨特

勸後世豐屋珊瑚鈎騏驎織成蜀紫騮隨劔

几義取無虛歲分宅脫驂問感激懷未濟衆

歸調給美擺落多藏晉作穢獨步四十年風

聽九臯唳嗚呼江夏姿竟掩宣尼袂往者武

后朝引用多寵嬖否臧太常議面折二晉作

張勢衰俗凜生風拂蕩秋旻霽忠貞負冤晉作

星駕無安稅幾分漢廷竹夙擁文侯篲終悲

洛陽獄事近小臣一作禍階初負謗易力

何深嶠伊昔臨淄亭酒酣托末契重敘東都

別朝陰改軒砌論文到崔蘇指晉作盡流水

逝近伏盈川雄楊未甘特進麗李是非張相

國燕公相扼一危脆爭名古豈然鍵捷英華

捷英華及吾家詩曠英華

本集卷之六

懷掃氛翳慷慨嗣真作和李大夫咨嗟玉山桂鍾

律儼高懸鯤鯨噴迢遰坡陀青州血蕪沒汝

陽瘞哀贈竟蕭條恩波延揭厲子孫存如綫

舊客舟凝滯君臣尚論兵將帥接燕薊朗咏

六公篇張桓等五王憂來豁蒙蔽

故秘書少監武功蘇公源明

武公少也孤徒步客一作寓徐克讀書東岳中

十載考墳典時下萊蕪郭忍饑浮雲嚙負米

晚為身每食臉必泣夜字照燕薪垢衣生一作

帶碧薜庶以勤苦志報茲劬勞顯一作願學蔚

醇儒姿文包舊史善灑落一作淚辭幽人歸來

潛京輦射君東堂策魯作射策宗匠集精選

制可題一作制未乾乙科一作休聲已大闡文章

日自負吏祿晉作掾吏亦累踐晨趨閭闔內足踏

宿昔跡一麾出守還黃屋朔風卷不暇陪八

駿虜庭悲所遣平生滿樽酒斷此朋知展憂

杜集卷之七

八 玉勾草堂

憤病二秋有恨石一作不可轉肅宗復社稷得

無逆順辨范粵顧其兒李斯憶黃犬秘書茂

松意文苑英華云秘書茂松色屢扈祠壇墀前後百卷文枕藉皆禁嚮篆刻揚雄流

冥漲本末淺王仲正本屢扈作再從篆刻制作冥漲本末淺青熒

芙蓉劍犀兕豈獨剽反為後輩褻予實苦懷

緬煌煌齋房芝事絕萬手舉垂之俟來者正

始徵一作貞避嫌名勸勉不要一作惡懸黃金胡為投

冥冥罪罟已橫罟音泣嗚呼子逝日始泰則音作

即終蹇長安米萬錢凋喪盡餘喘戰伐何當

解歸帆阻清沔尚纏漳水疾永負蒿里餞

故著作郎貶台州司戶滎陽鄭公虔

鷄鵬至魯門不識鐘鼓饗孔翠望赤霄愁思

入一作雕籠養滎陽冠眾儒早聞名公賞地崇

士大夫况乃氣精爽往者公在疾蘇許公頌位尊望重素未相識早

愛才名躬自哀問後結天然生知姿學立游

忘年之契遠邇嘉之

士集卷之七

九 玉勾草堂

夏上神農極闕漏黃石愧師長藥纂西極一作

域名兵流指諸掌公著蒼葢等諸書之外又撰胡本草七卷貫穿

無遺恨蒼葢何技癢圭臬星經奧蟲篆丹青

廣子雲窺未遍方朔諧太枉神翰顧不一體

變鍾兼兩文傳天下口大字猶在榜昔獻書

畫圖新詩亦俱往滄洲動玉陛宣一作鶴誤

一響三絕自御題四方尤所仰嗜酒益疎放

彈琴視天壤形骸實土木親近唯几杖未曾

寄魯作官曹突兀倚書幌晚就芸香閣胡塵

昏塊莽反覆歸聖朝點染無滌盪老蒙台州

掾泛泛英華作澗江槩履穿四明雪飢拾櫓

溪椽空聞紫芝歌不見杏壇丈天長眺東南

秋色餘魍魎別離慘至今斑白徒懷曩春深

秦一作山秀葉墜清渭朗劇談王侯門野稅

林下鞅操紙終夕酣時物集遐想詞場竟疎

闊平昔濫吹晉作獎百年見存沒牢落吾安

本集卷之八

放一作蕭條阮咸在出處同世網他日訪江

樓含悽述飄蕩

故右僕射相國英華有曲江二字張公九齡開元

二十八年七月卒

相國生南紀金璞無留礦仙鶴下人間獨立

霜毛整矯然江海一作漢思復與雲路永寂寞

想土一作玉階未遑等箕頽上君白玉堂倚君

金華省碣石一作力歲呼爍天地一作池日蛙黽

退食吟大庭何心記一作託榛梗骨驚畏曩哲

鬢一作鬚變負人境雖蒙換蟬冠右地惡多幸

敢忘一作志二疏歸痛迫蘇耽井紫綬一作金紫映

暮年荊州謝所領庾公興不淺黃霸鎮每靜

賓客引調同諷詠在務屏詩罷地有餘一云詩地

能有餘篇終語清省一陽發陰管淑氣含公鼎

乃知君子心用才文章境散帙起翠螭倚薄

巫廬竝綺麗元暉擁牋誅任昉騁自我一作成

士集卷之七

十一

玉勾草堂

一家則一作未缺隻字警千秋滄海南名繫
朱鳥影歸老守故林戀闕情一作嘗延頸波濤
良史筆蕪絕大庾嶺向時禮數隔制作難上
請再讀徐孺碑猶思理烟艇

寫懷二首

勞生共乾坤何處異風俗冉冉自趨競行行
見羈束無貴賤不悲無富貧亦足萬古一骸
骨鄰家遞歌哭鄙夫到巫峽三歲如轉燭全

命甘留滯忘情任榮辱朝班及暮齒日給還

脫粟編蓬石城東採藥山北

一作林

谷用心霜

雪間不必條蔓綠非關故安排曾是順幽獨
達士如弦直小人似鈎曲曲直我不知負暄
候樵牧

夜深坐南軒明月照我鄰驚風翻河漢梁棟

已出日

一作日出

羣生各一宿飛動自儔匹吾

亦驅其兒營營爲私實

晉作室

天寒行旅稀歲

暮日月疾榮名忽一云惑中人世亂如蟣虱古

者三皇前滿腹志願畢胡為有結繩陷此膠

與漆禍首燧人氏厲階董狐筆君看燈燭張

轉使飛蛾密放神八極外俯仰俱蕭瑟終契

如往還一云終然契真如得匪合仙術一作歸匪金仙術

可歎

天上浮雲如一作似白衣斯須改變如蒼狗古

往今來共一時人生萬事無不有近者抉眼

去其夫陳作河東女兒身姓柳丈夫正色動

引經鄴城客子王季友羣書萬卷常暗誦孝

經一通看在手貧窮老瘦家賣屐一作履好事

就之為攜酒豫章太守高帝孫引為賓客敬

頗久聞一作問道三年未曾語小心恐懼閉其

口太守得之更不疑人生反覆看亦醜明月

無瑕豈容易紫氣鬱鬱猶衝斗時危可仗真

豪俊二人得置君側否太守頃者領山南邦

人思之比父母王生早曾拜顏色高山之外
皆培塿用爲羲和天爲成用平水土地爲厚
王也論道阻江湖李也丞疑曠前後死爲星
辰終不滅致君堯舜焉肯朽吾輩碌碌飽飯
行風后力收長廻首

觀公孫大娘弟子舞劍器行 并序

大歷二年十月十九日夔府別駕元持一作

特宅見臨穎李十二娘舞劍器壯其蔚跂

問其所師一本此下曰余公孫大娘弟子

也開元三載一作五載時公年六歲公七

可詩云五十年間似反掌自開元五年至

是年凡五十一年草堂注云疑作十二年載

也余尚童穉記於郾城觀公孫氏舞劍器

渾脫瀏灑頓挫獨出冠時自高頭宜春梨

園二伎一作教坊內人洎外供奉曉是舞者

聖文神武皇帝初公孫一人而已玉貌錦

一作衣况余白首今茲弟子亦匪盛顏既

辨其由來知波瀾莫二撫事慷慨聊為劔
器行往者吳人張旭善草書書帖數常於
鄴一作葉縣見公孫大娘舞西河劔器自此
草書長進豪蕩感激即公孫可知矣

昔有佳人公孫氏一舞劔器動四方觀者如
山色沮喪天地為之久低昂燿音醜如羿射九
日落矯如羣帝驂龍翔來一作末如雷霆收震

怒罷如江海凝清光絳唇珠袖兩寂寞况一作陳
脫有弟子傳芬芳臨穎美人在白帝妙舞

此曲神揚揚與余問荅既有以感時撫事增
惋傷先帝一作皇侍女八千人公孫劔器初第

一五十年間似反掌風塵傾動一作頽洞昏王室

梨園子弟散如烟女樂餘姿映寒日金粟堆

南木已拱瞿唐石城草一作暮蕭瑟玳筵急管

曲復終樂極哀來月東出老夫不知其所往

足繭荒山轉愁疾一作寂

往在

往仕西京日

一作時

胡來滿彤

一作丹

宮中宵焚

九廟雲漢為之紅解瓦飛十里總帷紛

一作粉

曾定疾心惜木主一一灰悲風合昏排鐵騎

清旭散錦驂

一作驂

賊臣表逆節

晉作帥

相賀以

成功是時妃嬪戮連為糞土叢當宁陷玉座

白間剝畫蟲不知二聖處私泣百歲翁車駕

既云還楹桷歛穹崇故老復涕泗祠官樹椅

桐宏壯不如初已見帝力雄前春禮郊廟祀

事親聖躬微軀忝近臣景從陪羣公登階捧

玉冊義冕耿

一作聆

金鍾侍祠愿先露

一作露

掖

垣邇濯龍天子惟孝孫五雲起九重鏡奩換

粉黛翠羽猶葱朧前者厭羯胡後來遭犬戎

俎豆腐

一作齋

膾肉累愿行角弓安得自西極

申命空山東盡驅詣闕下士庶塞關中主將

曉逆順元元歸始終一朝自罪己

一云罪己

萬

里車書通鋒鏑供鋤犁征戍聽所從冗官各
復業士著還力農君臣節儉足朝野歡呼一作
娛同中興似一作國初繼體如太宗端拱納
諫諍和風日冲融赤墀櫻桃枝隱映銀絲籠
千春薦陵寢永永垂無窮京都不再火涇渭
開愁容歸號故松栢老去苦飄蓬

昔遊

首者與高李適晚一作登單父臺寒蕪際碣

石萬里風雲來桑柘葉如雨飛藿去一作徘徊

徊清霜大澤凍禽獸有餘哀是時倉廩實洞

達寰區一作瀛開猛士思滅胡將帥望三台君

王無所惜駕馭英雄材幽燕盛用武供給亦

勞哉吳門轉粟帛泛海陵蓬萊肉食一作三四

十萬獵射起黃埃隔河憶長眺青歲已摧頽

不及少年日無復故人盃賦詩獨流涕亂世

想賢才有一作君能市駿骨莫恨少龍媒商山

議得失蜀主脫嫌猜呂尚封國邑一云傳說內國

已鹽梅景晏楚山深水鶴去低回龐公任本

性携子臥蒼苔

壯遊

往昔一作者十四五出遊一作入翰墨場斯文崔

魏徒崔鄭州尚魏以我似一作比班揚七齡思

即壯開口詠鳳凰九齡書大字有作成一囊

性豪業嗜酒嫉惡懷剛腸脫畧一作落小時輩

結交皆老蒼飲酣視八極俗物都茫茫東下

姑蘇臺已具浮海航到今有遺恨不得窮扶

桑王謝風流遠闔廬邱墓荒劒池石壁仄長

洲荷芰香嗟我閭門北清廟映迴一作池塘每

趨吳太伯撫事淚浪浪枕戈憶勾踐渡浙想

秦皇蒸魚聞七首除道晒要章越女天下白

鑑湖五月涼剡溪蘊秀異欲罷不能忘歸帆

拂天姥中歲貢舊鄉氣劇屈賈壘目一作日短

曹劉牆忤下考功第獨辭京尹堂放蕩齊趙

間裘馬頗清狂春歌叢臺上冬獵青邱旁呼

鷹阜一作紫櫪晉作櫪林逐獸雲雪岡射飛曾縱

鞞引一作跋臂落鵝鶻蘇侯據鞍喜監門曹蘇預忽

如携葛強快意八九年西歸到咸陽許與必

詞伯賞一作貴遊實賢王曳裾置醴地奏賦入

明光天子廢食召羣公會軒裳脫身無所愛

一作受痛飲信行藏黑貂不一作寧免弊斑鬢兀

稱觴杜曲晚換一作者舊四郊多白楊坐深鄉

黨敬日一作自覺死生忙朱門任一作務傾奪赤

族迭罹殃國馬竭粟豆官雞輸稻梁舉隅見

煩費引古惜興亡河朔風塵起岷山行幸長

兩宮各警蹕萬里遙相望崆峒殺氣黑少海

旌旗黃禹功亦命子涿鹿親戎行翠華擁英

一作吳岳螭虎瞰豺狼爪牙一不中胡兵更陸

梁大一作天軍載草草凋瘵滿膏肓備員竊補

衣憂憤心飛揚上感九廟焚一作下憫萬民

一作蒼生瘡斯時伏青蒲廷爭守御床君辱敢愛

死赫怒幸無傷聖哲體仁恕宇縣復小康哭

廟灰燼中鼻酸朝未央小臣議論絕老病客

殊方鬱鬱苦不展羽翮因低昂秋風動哀壑

碧蕙捐一作微芳之推避賞從漁父濯滄浪

榮華敵勳業歲暮有嚴霜吾觀鴟夷子才格

出尋常羣凶逆未定側佇英俊翔

遣懷

昔我遊宋中惟梁孝王都名今陳留亞劇則

貝魏俱邑中九萬家高棟照通衢舟車半天

下主客多歡娛白刃讐不義黃金傾有無殺

人紅塵裏報荅在斯須憶與高李輩適論交

入酒壚兩公壯藻思得我色敷腴氣酣登吹

一作臺懷古視平蕪芒碭雲一去雁鶩空相

呼先帝正好武寰海未凋枯猛將收西域長

戟破林胡百萬攻一城獻捷不云輸組練棄

如泥尺土負一作勝百夫拓境功未已元和辭

大爐亂離朋友盡合沓歲月徂吾衰將焉託

存沒再嗚呼蕭條益堪愧獨在天一隅一作蕭條

病益甚塊獨天一隅乘黃已去矣凡馬徒區區不復見

顏鮑繫舟臥荆巫臨殮吐更食常恐違撫孤

同元使君春陵行 并序

覽道州元使君結春陵行兼賊退後示官

吏作二首志之曰當天子分憂之地效漢

官舊作朝良吏之目今盜賊未息知民疾苦

得結輩十數公落落然叅錯天下為邦伯

萬物吐晉作姓壯氣天下少一作小安可得矣一作

已不意復見此興體制微婉頓挫之詞感

而有詩增諸卷軸簡知我者不必寄元晉作

云

遭亂髮盡一作遠白轉衰病相嬰一作縈沉綿盜

賊際狼狽江漢行歎時藥力薄為客羸瘵成

吾人詩家秀一作流博采世上名粲粲元道州

前聖畏後生觀乎春陵作歛見俊哲情復覽

賊退篇結也實國楨賈誼昔流慟匡衡常引

經道州憂一作哀黎庶詞氣浩縱橫兩章對秋

月一作水一字借一作皆華星致君唐虞際純樸

憶一作意大庭何時降輿書用爾為丹青獄訟

永衰息豈唯偃甲兵悽惻念誅求薄斂近休

明乃知正人意不苟飛長纓涼飈振南岳之

子寵若驚色阻晉作沮金印大興舍滄浪一作淇

清我多長卿病日夕思朝廷肺枯渴太甚漂

泊公孫城呼兒具紙筆隱几臨軒楹作詩呻

吟內墨淡字欹傾感彼危苦詞庶幾知者聽

春陵行 有序 元 結

癸卯歲漫叟授道州刺史道州舊四萬餘

戶經賊已來不滿四千大半不勝賦稅到

官未五十日承諸使徵求符牒二百餘封
皆曰失其限者罪至貶削於戲若悉應其
命則州縣破亂刺史欲焉逃罪若不應命
又卽獲罪戾必不免也吾將守官靜以安
人待罪而已此州是春陵故地故作春陵
行以達下情

君國多所須切責在有司有司臨郡縣刑法

竟一作意欲施供給豈不憂徵斂又可悲州小

經亂亡遺人實困疲大鄉無十家大族命單
羸朝餒是草根暮食乃樹皮出言氣欲絕意
速行步遲追呼尙不忍况乃鞭朴之郵亭傳
急符來往迹相追更無寬大恩但有迫促期
欲令鬻兒女言發恐亂隨悉使索其家而又
無生資聽彼道路言怨傷誰復知去冬山賊
來殺奪幾無遺所願見王官撫養以惠慈奈
何重驅逐不使存活爲安人天子命符節吾

所持州縣忽亂亡得罪復是誰逋緩違詔令
蒙責固所宜前賢重守分惡以禍福一作移
亦云貴守官不愛一作憂能適時顧唯孱弱者
正直當不虧何人採國風吾欲獻此辭

賊退示官吏

有序

元結

癸卯歲西原賊入道州殺掠

一云焚燒殺掠幾盡

而去明年賊又攻永破邵不犯此州邊鄙
而退豈力能制敵蓋蒙其傷憐而已諸使

何為忍苦徵斂故作詩一篇以示官吏

昔歲逢太平山林二十年泉源在庭戶洞壑
當門前井稅有常期日晏猶得眠忽然遭世
變數歲親戎旃今來典斯郡山戎又紛然城
小賊不屠人貧傷可憐是以陷鄰境此州獨
見全使臣將王命豈不如賊焉今彼徵斂者
迫之如火煎誰能絕人命以作時世賢思欲
委符節引竿自刺船將家就魚菱

一作窮一作

歸
老江湖邊

李潮八分小篆歌

蒼頡鳥跡既茫昧字體變化如浮雲陳倉石
鼓又一作文已訛大小二篆生八分秦有李斯
漢蔡邕中間作者寂不聞嶧山之碑野火焚
棗木傳刻肥失真苦縣光和尙骨立書一作畫
貴瘦硬方通神惜哉李蔡不復一作可得吾甥
李潮下筆親尙書韓擇木騎曹蔡有鄰開元

已來數八分潮也奄有二子成三人况潮小

篆逼秦相快劒長戟森相向八分一字直百

一作千金蛟龍盤挈肉屈強吳郡張顛誇草書

草書非古空雄壯豈如吾甥不流宕丞相中

郎丈人行巴東一作江逢李潮逾月求我歌我

今衰老才力薄潮乎潮乎奈汝何

覽柏中允兼子姪數人除官制詞因述

父子兄弟四美載歌絲綸

紛然喪亂際見此忠孝門蜀中寇亦甚柏氏
功彌存深誠補王室戮力自元昆三止錦江
沸獨清玉壘昏高名入竹帛新渥照乾坤子
弟先卒伍芝蘭疊璵璠同心注師律洒血在
戎軒絲綸實具載紱冕已殊恩奉公舉骨肉
誅叛經寒溫一作暄金甲雪猶凍朱旗塵不翻
每聞戰場說欸激懦氣奔聖主國多盜賢臣
官則尊方當節鉞用必絕褻沴根吾病日廻
首雲臺誰再論作歌挹盛事推轂期孤騫

聽楊氏歌

佳人絕代歌獨立發皓齒滿堂慘不樂響下

清虛裏

一作浮雲裏

江城帶素月况乃清夜起老

夫悲暮年壯士淚如水玉盃久寂寞金管迷

宮徵勿云聽者疲愚智心盡死古來傑出士

一作事

豈待一知己吾聞昔秦青傾側天下耳

荆南兵馬使太常卿趙公大食刀歌

太常樓船聲嗷嘈問兵刮寇趨陳作下牢地

牧出令奔飛百艘猛蛟突獸紛騰逃白帝寒

城駐錦袍元冬示我胡國刀壯士短衣頭虎

毛憑軒拔鞘天為高翻風轉日木一作水怒號

冰翼雪淡傷哀猱鑄錯碧罌鷓鴣膏鏗鏘一作

鋒已瑩虛一作靈秋濤鬼物撇振辭陳作亂坑壕

蒼水使者捫赤條龍伯國人罷釣鼈芮公廻

首顏色勞分閫救世用賢豪趙公玉立高歌

起攬環結佩相終始萬歲持之護天子得君

亂絲與君理蜀江如線如針水一作針荆岑

彈丸心未已賊臣惡子休干紀魑魅魍魎徒

為耳妖腰亂領敢欣喜用之不高亦不庫不

似長劔須天倚吁嗟光祿英雄弭大食寶刀

聊可比丹青宛轉麒麟裏光芒六合無泥滓

王兵馬使二角鷹

悲臺蕭颯一作瑟石籠窳哀壑杙枒浩呼一作污

沟中有萬里之長江迴風滔陳作日孤光動

角鷹翻倒壯士臂將軍玉帳軒翠一云昂氣

二鷹猛腦徐侯穩荆作條徐墜趙云徐侯穩殊無理義介甫善本作條

徐墜于目如愁胡視天地杉雞竹兔不自惜

溪一作孩虎野羊俱辟易鞞上鋒稜十二翻將

軍勇銳與之敵將軍樹勳起安西崑崙虞泉

入馬蹄白羽曾肉三狡貍敢決豈不與之齊

荆南芮公得將軍亦如角鷹下翔一作翔雲惡

鳥飛飛啄金屋安得爾輩開其羣驅出六合

臬鸞分

狄明府博濟一作寄狄明府

梁公會孫我姨弟不見十年官濟濟大賢之

後竟陵遲浩蕩古今同一體比看叔伯四十

人有才無命百寮底今者兄弟一百人幾人

卓絕秉周禮在汝更用文章為長兄白眉復

天啓汝門請從曾翁一云公說太后當朝多巧

詆一作計狄公執政在末年濁河終陳浩然本作中不

污清濟國嗣初將付諸武公獨廷諍守丹陛

禁中決册陳作册請一作詔房陵前一作滿朝長老

皆流涕太宗社稷一朝正漢官威儀重昭洗

時危始識不世才誰謂荼苦甘如薺汝曹又

宜列土鼎一作鼎食身使門戶多旌榮胡為漂泊

岷漢間干謁王侯頗歷抵一作詆况乃山高水

有波秋風蕭蕭露泥泥虎之飢下巉嵒蛟之

橫出清泚早歸來黃土泥衣浩然本作黃汚人衣眼易

眈

秋風二首

秋風淅淅吹巫山上牢下牢修水關吳檣楚

旄牽百丈暖向神一作威都寒未還要路何日

罷長戟戰自青羗連百一作白蠻蠻中巴不會消

息好暝傳戍鼓長雲間

秋風淅淅吹我衣東流之外西日微天清小

城擣練急石古細路行人稀不知明月爲誰
好早晚孤帆他一作也夜歸會將白髮倚庭樹
故園池臺今是非

久雨期王將軍不至

天一云山雨蕭蕭滯一云帶茅屋空山無以慰幽

獨銳頭將軍來何遲令我心中苦不足數看
黃霧亂元雲時聽嚴風折喬木泉源泠泠雜
猿狄泥濘一云漠漠飢鴻鵠歲暮窮陰耿未

已人生會面難再得憶爾腰下鐵絲箭射殺
林中雪色鹿前者坐皮因問毛知子歷險人
馬勞異獸如飛星宿落應弦不礙蒼山高安
得突騎只五千峯然眉骨皆爾曹走平亂世
相催促一豁明主正鬱陶憶一云恨昔范增碎
玉斗未使吳兵着白袍昏昏闔闔閉氛祲十
月荆南雷怒號

別李秘書始興寺所居

不見秘書心若失及見秘書失心疾安為動
主理信然我獨覺子神充實一作精重聞西
方止觀經老身古寺風泠泠妻兒待我一作
來陳
米一作且歸去他日杖藜來細聽

虎牙行

秋一作風歛吸晉作吹南國天地慘慘無顏

色洞庭揚波江漢迴虎牙銅柱皆傾側巫峽

陰岑朔漠氣峰巒窈窕谿谷黑杜鵑不來猿

狖寒啼一作山鬼幽憂雪霜逼楚老長嗟憶炎

瘴三尺角弓兩斛力壁立石城橫塞起金錯

旌竿滿雲直漁陽突騎獵青邱犬戎鑱甲聞

丹極八荒十年防盜賊征戍誅求寡妻哭遠

客中宵淚霑臆

錦樹行

今日苦短昨日休歲云暮矣增離憂霜凋碧

樹待荆作行錦樹萬壑東逝無停畱荒戍之

城石色古東郭老人住青邱飛書白帝營斗

粟琴瑟几杖柴門幽青荆作春草萋萋盡枯死

天馬跂陳作與驥足隨蒼牛自古聖賢多薄

命姦雄惡少皆封侯一作封公侯故國三年一消

息終南渭水寒悠悠五陵豪貴反顛倒鄉里

小兒狐白裘生男墜地要膂力一生一作富生女

貴傾邦國莫愁父母少黃金天下風塵兒亦

得

赤霄行

孔雀未知牛有角渴飲寒泉逢舐觸赤霄元

圃須往來翠尾金花不辭辱江中淘河嚇飛

鷺銜泥却落羞華屋皇孫猶曾蓮勺困衛一作鮑

莊見貶傷其足老翁慎莫怪少年葛亮貴

和書有篇丈夫垂名動萬年記憶細故非高

賢

前苦寒行二首

漢時長安雪一丈牛馬毛寒縮如蝟楚江巫
峽冰入懷虎豹哀號又堪記秦城老翁荆揚
客慣習炎蒸歲締絡元冥祝融氣或交手持
白羽未敢釋

去年白帝雪在山今年白帝雪在地凍埋蛟
龍南浦縮寒刮陳作肌膚北風利楚人四時
皆麻衣楚天萬里英華無晶輝三足之鳥足
英華恐斷羲和送將何所歸一作迭送將安

後苦寒行二首

南紀巫廬瘴不絕太古以來無尺雪蠻夷長
老怨苦寒崑崙天關凍應英華折元猿口噤
不能嘯白鵠翅垂眼流出一作血安得春泥補

地裂

晚一作曉來江門一作邊失大水猛風中夜吹英華
飛一作白屋天兵斬斷英華作青海戎殺氣南行

動地軸不爾苦寒何太一作其酷巴東之峽生

凌澌彼蒼回軒舊作軻刊作幹人得知

晚晴

高唐暮冬雪壯哉舊瘴無復似塵埃崖沈谷
沒白皚皚江石缺裂青楓摧南天三旬苦霧
開赤日照耀從西來六龍寒急光徘徊照我
衰顏忽落地口雖吟咏心中哀未怪及時少
年子揚眉結義黃金臺泊陳作乎吾生何飄
零支離委絕同死灰

復陰

方冬合沓元陰塞昨日晚晴今日黑萬里飛
蓬映天過孤城樹羽揚風直江濤簸一作欺岸
黃沙走雲雪埋山蒼兕吼君不見夔子之國
杜陵翁牙齒半落左耳聾

夜歸

夜來歸來衝虎過山黑家中已眠臥傍見北

斗向江低仰看明星當空大庭前把燭噀一作
喚兩炬峽口驚猿聞一箇白頭老罷舞復歌
杖藜不睡誰能那

寄栢學士林居

自胡之反持干戈天下學士亦奔波歎彼幽
棲載典籍蕭然暴露依一作向山阿青山萬里
一作重靜散地白雨一洗空垂蘿亂代飄零余
一作餘到此古人成敗子如何荆揚春冬異風

土巫峽日夜多雲風一作雨赤葉楓林百舌鳴

黃泥一作花野岸天雞舞盜賊縱橫甚密邇形

神寂寞甘辛苦幾時高議排金門各使蒼生
有環堵

寄從孫崇簡

嗟峨白帝城東西南有龍湫北虎溪吾孫騎
曹不騎一作記馬業學尸鄉多養雞龐公隱時
盡室去武陵春樹他人迷與汝林居未相失

近身藥裏酒長携牧豎樵童亦無賴莫令斬
斷青雲梯

奉酬薛十二丈判官見贈

忽忽峽中睡悲風一作秋方一醒西來有好鳥

爲我下青冥羽毛淨一作盡白雪慘澹飛雲汀

既蒙主人顧舉翮唳孤亭持以比佳士及此

慰揚舲清文動哀玉見道發新劂欲學鴟夷

子待勒燕山銘誰重斷地劔一作云國重致君

君未聽志在麒麟閣無心雲母屏卓氏近新

寡豪家朱門一作戶扇相如才調逸銀漢會雙

星客來洗粉黛日暮拾流螢不是無膏火勸

郎勤六經老夫自汲澗野水日泠泠我歎黑

頭白君看銀印青臥病識山鬼爲農知地形

誰矜坐錦帳苦厭食魚腥東西兩岸坼晉作

坼一作積橫一作積水注滄溟碧色忽一作苦惆悵風雷

搜百靈空中右一作有白虎赤節引娉婷自云

帝里一作季女嘆雨鳳凰翎襄王薄行跡莫學

冷如丁一作冰千秋一拭淚夢覺有微馨人生

相感動金石兩青熒丈人但安坐休辨渭與

涇龍蛇尙格鬪洒血暗郊坰吾聞聰明主治

一作活國用輕刑銷兵鑄農器今古歲方寧文

一作天王日儉德俊又始盈庭榮華貴少壯豈

食楚江萍

醉為馬墜諸公攜酒相看

甫也諸侯老賓客罷酒酣歌拓金戟騎馬忽

憶少年時散蹄遊落瞿塘石白帝城門水雲

外低身直下八千尺粉堞電轉紫遊韁東得

平岡出天壁江村野堂爭入眼垂鞭一作肩鞞

凌紫陌向來皓首驚萬人自倚紅顏能騎

射安知決臆追風足朱汗驂驪猶噴玉不虞

一蹶終損傷人生快意多所辱職當憂戚伏

衾枕况乃遲暮加煩促明一作明知來問腆我

顏杖藜強起依僮僕語盡還成開口笑提攜
別掃清溪曲酒肉如山又一時初筵哀絲動
豪竹共指西日不相貸喧呼且覆盃中淥何
必走馬來為問一作不為身君不見嵇康養生遭
一作被殺戮

別李義

神堯十八子十七王其門道國洎一作及舒國

督一作實唯親弟昆中外貴賤殊余亦忝諸孫

丈人嗣三葉王業之子白玉溫道國繼德業

請從丈人論文人領宗卿肅穆古制敦先朝

納諫諍直氣橫乾坤子建文筆壯河間經術

存爾克富詩禮骨清慮不喧洗然遇知己談

論淮湖奔憶昔初見時小襦一作孺繡芳蓀長

成忽會面慰我久疾魂三峽春冬交江山雲

霧昏正宜且聚集恨此當離樽莫怪執盃遲

我衰涕唾煩重問子何之西上岷江源願子

少干謁蜀都足戎軒誤失將帥意不如親故
恩少年早歸來梅花已飛翻努力慎風水豈
惟數盤飧猛虎臥在岸蛟螭出無痕王子自
愛惜老夫困石根生別古所嗟發聲爲爾吞

送高司直尋封閩州

丹雀銜書來暮棲何鄉樹驩事天子辛苦
在道路司直非冗官荒山甚無趣借問泛舟
人胡爲入雲霧與子姻婭間旣親亦有故萬

里長江邊邂逅一相遇長卿消渴再公幹沈

綿屢清談慰老夫開卷得佳句時見文章士

欣然淡

一作談

情素伏枕聞別離疇能忍漂寓

良會苦短促溪行水奔注熊羆咆空林游子
慎馳鶩西謁巴中侯艱險如跬步主人不世
才先帝常特顧拔爲天軍佐崇大王法度淮
海生清風南翁尙思慕公宮造廣厦木石乃
無數初聞伐松柏猶臥天一柱我瘦

一作書

三五

玉勾草堂

不成成字讀一作亦誤為我問故人勞心練

征戍

君不見簡蘇侯

君不見道邊廢棄池君不見前者摧折桐百
年死樹中琴瑟一斛舊水藏蛟龍丈夫蓋棺
事始定君今幸未成老翁何恨憔悴在山中
深山窮谷不可處霹靂魍魎兼一作狂風

贈蘇四侯

異縣昔同遊各云厭轉蓬別離已五年尚在
行李中戎馬日衰息乘輿安九重有才何棲
棲將老委所窮為郎未為賤其奈疾病攻子
何面黧黑不得豁心胸巴蜀倦剽掠一作下
愚成土風幽薊已削平荒徼尙彎弓斯人脫
身來豈非吾道東乾坤雖寬大所適裝囊空
肉食晒菜色少壯欺老翁况乃主客間古來
偏側同君今下荆揚獨帆如飛鴻二州豪俠

場人馬皆自雄一請甘饑寒再請甘養蒙

寄薛三郎中

據

人生無賢愚飄飄若埃塵自非得神仙誰免
危其身與子俱白頭役役常苦辛雖爲尙書
郎不及村野人憶昔村野人其樂難具陳藹
藹桑麻交公侯爲等倫天未厭戎馬我輩本
常貧子尙客荊州我亦滯江濱峽中一臥病
瘧癘終冬春春復加肺氣此病蓋有因早歲

與蘇鄭痛飲情相親二公化爲土嗜酒不失

真余今委修短豈得恨命屯聞子心甚壯所

過信席珍上馬不用扶每

一作忽

扶必怒嗔賦

詩賓客間揮洒動八垠乃知蓋代手才力老
益神青草洞庭湖東浮滄海濬君山可避暑
况足采白蘋子豈無扁舟往復江漢津我未
下瞿塘空念禹功勤聽說松門峽吐藥攬衣
巾高秋却束帶鼓枻視青旻鳳池日澄碧濟

濟多士新余病不能起健者勿遽巡上有明
哲君下有行化臣

大覺高僧蘭若

和尚去冬
往湖南

巫山不見廬山遠松林

一作
間

蘭若秋風晚一

老猶鳴日暮鐘諸僧尙乞齋時飯香爐峯色
隱晴湖種杏仙家近白榆飛錫去年啼邑子
獻花何日許門徒

杜工部集卷之七終

杜工部集卷之八目錄

古詩四十五首

宿青溪驛懷張員外

敬寄族弟唐十八使君

憶昔行

魏將軍歌

北風

客從

白馬

白鳧行

朱鳳行

惜別行

醉歌行

夜聞簷簳

發劉郎浦

別董頴

送重表姪王砒評事使南海

詠懷二首

送顧八分文學適洪吉州

上水遣懷

遣遇

解憂

宿鑿石浦

早行

過津口

次空靈岸

宿花石戍

早發

次晚洲

望嶽

湘江宴餞裴二端公赴道州

清明

風雨看舟前落花

岳麓山道林二寺行

奉送魏六丈佑少府之交廣

別張十三建封

暮秋裴道州手札率爾遣興寄近呈蘇

渙侍御

奉贈李八丈判官

歲晏行

八日寄杜二拾遺

高適

追酬故高蜀州人日見寄

蘇大侍御訪江浦賦八韻記異

并序

題衡山縣文宣王廟新學堂呈陸宰

入衡州

舟中苦熱遣懷奉呈陽中丞通簡臺省

諸公

聶耒陽以僕阻水書致酒肉療飢荒江

詩得代懷興盡本韻至縣呈聶令

杜工部集卷之八目錄終

杜工部集卷之八

古詩四十五首

居松陵公安及至湖南作

宿青溪驛奉懷張員外十五兄之緒

漾舟千山內日入泊枉渚我生本飄飄今復
在何許石根青楓林猿鳥聚儔侶月明游子
靜畏虎不得語中夜懷友朋乾坤此深阻浩
蕩前後間佳期付荆楚

敬寄族弟唐十八使君

與君陶唐後盛族多其人聖賢冠史籍枝派
羅源津在今氣磊落巧偽莫敢親介立實吾
弟濟時肯殺身物自諱受玷行高無污真得
罪永泰末放之五溪濱鸞鳳有鍛翮先儒曾
抱麟雷霆霹長松骨大却生筋一失不足傷
念子孰自珍泊舟楚宮岸戀闕浩酸辛除名
配清江厥土巫峽鄰登陸將首途筆札枉所
申歸朝跼病肺敘舊思重陳春風洪濤壯谷
轉頗彌旬我能泛中流塘突鼉獺瞋長年已
省施慰此貞良臣

憶昔行

憶昔北尋小有洞洪河怒濤過輕舸辛勤不
見華蓋君良岑青輝慘么麼千崖無人萬壑
靜三步回頭五步坐秋山眼冷魂未歸仙賞
心違淚交墮弟子誰依白茅一作石室盧老獨
啓青銅鎖巾拂香餘搗藥塵階一作前除灰死

燒丹火元圃滄洲莽空闊金節羽衣飄婀娜
落日初霞閃餘映倏忽東西無不可松風礪
水聲合時青兕黃熊啼向我徒然咨嗟撫遺
迹至今夢想仍猶佐一作左音如佐祕訣隱文須內
教晚歲何功使收一作願果更討見衡陽董
鍊師南浮一作游早鼓瀟湘柁

魏將軍歌

將軍昔著從事衫鐵馬馳突重兩銜被擊執
銳畧西極崑崙月窟東嶄巖君門羽林萬猛
上惡若哮虎子所監五年起家列霜戟一日
過海收風帆平生流輩徒蠢蠢長安少年氣
欲盡魏侯骨聳精爽緊華嶽峯尖見秋隼星
纏寶校金盤隨夜騎天駟超天河攬槍熒惑
不敢動翠蕤雲旂相蕩摩吾爲子起歌都護
酒闌插劍肝膽露鈎陳蒼蒼風元武一云元武暮
萬歲千秋奉明主臨江節士安足數

北風

北風破南極朱鳳日威一作垂洞庭秋欲雪
鴻雁將安歸十年殺氣盛六合人烟稀吾慕
漢初老時清猶茹芝

客從

客從南溟來遺我泉客珠珠中有隱字欲辨
不成書緘之篋笥久以俟公家須開視化爲
血哀今徵斂無

白馬

白馬東北來空鞍貫雙箭可憐馬上郎意氣
今誰見近時主將戮中夜商一作於戰喪亂
死多門嗚呼淚如霰

白鳧行

君不見黃鵠高于五尺童化爲白鳧一作
老翁故畦遺穗已蕩盡天寒歲日一作暮波濤
中鱗介腥羶素不食終日忍飢西復東魯門

鷓鴣亦踏蹬聞道如樊作今猶避風

朱鳳行

君不見瀟湘之山衡山高山巔下圖本朱鳳

聲一作嗷嗷側身長顧求其羣一作翹垂口

噤心甚勞一作下愍百鳥在羅網黃雀最小

猶難逃願分竹實及螻蟻盡使鴟梟相怒號

惜別行送向卿進奉端午御衣之上都

肅宗昔在靈武城指揮猛將收咸京向公云

向公亦衛伯玉蓋泣血洒行殿佐佑卿相乾

坤平逆胡冥冥隨烟燼卿家兄弟功名震麒麟

麟圖一作畫鴻雁行紫極出入黃金印尚書

勲業超千古雄鎮荊州繼吾祖裁縫雲霧成

御衣拜跪題封向吳本端午向卿將命寸心

赤青山落日江湖白卿到朝廷說老翁漂零

已是滄浪客

醉歌行贈公安顏少府請顧八題壁英華

木身卷之六
作贈公安縣
顏十少府

神仙中人不
易得顏氏之
子才孤標天
馬長鳴待駕
馭秋鷹整翮
當雲霄君不
見東吳顧文
學君不見西
漢杜陵老詩
家筆勢君不
嫌詞翰升堂
爲君掃是日
霜風凍七澤
烏蠻落照銜
赤壁酒酣耳
熱忘頭白感
君意氣無所
惜一爲歌行
歌主客英華
同

夜聞簾策

夜聞簾策滄江上
衰年側耳情所嚮鄰舟一
聽多感傷塞曲三更歎悲壯積雪飛霜此夜
寒孤燈急管復風一作奔湍君知天地一作下干
戈滿不見江湖一作湘行路難

發劉郎浦

挂帆早發劉郎浦
疾風颯颯昏亭午舟中無
日不沙塵岸上空村盡豺虎十日北風風未
迴客行歲晚晚一作尤相催白頭厭伴漁人宿

黃帽青鞋歸去來

別董頴

窮冬急風水逆浪開帆難士子甘旨闕不知

道里寒有求彼樂土南適小長安到刊作我

舟楫去覺君衣裳單素聞趙公節兼盡賓主

歡已結門廬一作閭望無令霜雪殘老夫纜亦

解脫粟朝未餐飄蕩兵甲際幾時懷抱寬漢

陽頗寧靜峴首試考槃當念著白帽一作采

薇青雲端

送重表姪王砮評事使南海

砮力制切說文引詩

深則砮

我之曾祖吳作老姑爾之高祖母爾祖未顯時

歸為尚書婦王珪也隋朝大業末房杜俱交友

長者來在門荒年自餬口家貧無供給客位

但箕箒俄頃羞頗珍一作頗羞珍寂寥人散後入

怪鬢髮空吁嗟為之久自陳剪髻鬢鬻市充

盃一作沽酒上云天下亂宜與英俊厚向竊窺

數公經綸亦俱有次問最少年虬髯十八九
子等成大名皆因此人手下云風雲合龍虎
一吟吼願展丈夫雄得辭兒女醜秦王時在
坐真氣驚戶牖及乎貞觀初尙書踐台斗夫
人常肩輿上殿稱萬壽六宮師柔順法則化
妃后至尊均嫂叔盛事垂不朽鳳雛無凡毛
五色非爾曹往者胡作逆乾坤沸噉噉吾客

左馮翊爾家同遁逃爭奪至徒步塊獨委蓬
蒿逗畱熱爾腸十里却呼號自下所騎馬右
持腰間刀左牽紫遊韁飛走使我高苟活到
今日寸心銘佩牢亂離又聚散宿昔恨滔滔
水花笑白首春草隨青袍廷評近要津節制
收英髦北驅漢陽傳南泛上瀧舫家聲肯墜
地利器當秋毫番禺親賢領等運神功操大
夫出盧宋樊作宗寶貝休脂膏洞主降接武海

胡舶千艘我欲就丹砂跋涉覺身勞安能陷
糞土有志乘鯨鼉或驂鸞騰天聊樊作不作鶴
鳴臯

詠懷二首

人生貴是男丈夫重天機未達善一身得志
行所爲嗟余竟輒軻將老逢艱危胡雛逼神
器逆節同所歸河雒化爲血公侯一作卿草間
啼西京復陷沒翠蓋蒙塵飛萬姓悲赤子兩

宮棄紫微倏忽向二紀奸雄多是非本朝再
樹立未及貞觀時日給在軍儲上官督有司
高賢迫形勢豈暇相扶持疲茶苟懷策棲屑
無所施先王實罪已愁痛正爲茲歲月不我
與蹉跎病于斯夜看鄴城氣回首蛟龍池齒
髮已自料意深陳苦吳本詞作昔
邦危壞法則聖遠益愁慕飄飄桂水遊悵望
蒼梧暮潛魚不銜鈎走鹿無反顧皦皦幽曠

心拳拳異平素衣食相拘陽朋知限流寓風

濤上春沙千一作里侵刊作江樹逆行少陳作

值吉日時節空復度井竈任塵埃舟航煩數

具牽纏加老病瑣細隘俗務萬古一死生胡

為足名數多憂汗桃源拙計泥銅柱未辭炎

瘴毒擺落跋涉懼虎狼窺中原焉得所歷住

葛洪及許靖避世常此路賢愚誠等差自愛

各馳驚羸瘠且如何魄奪針灸屢擁滯僮僕

慵稽留篙師怒終當挂帆席天意難告訴南

為祝融客勉強親杖屨結託老人星羅浮展

衰步

送顧八分文學適洪吉州

中郎石經後八分蓋憔悴顧侯運鑪錘筆力

破餘地昔在開元中韓擇蔡隣有同員屬元宗

妙其書是以數子至御札早流傳掄揚非造

次三人並入直恩澤各不二顧於韓蔡內辨

眼工小字分日示英華作侍諸王鈞深法更秘文

學與我遊蕭疎外聲利追隨二十載浩蕩長

安醉高歌卿相宅文翰飛省寺視我揚馬間

白首不相棄驂騑入窮巷必脫黃金轡一論

朋友難遲暮敢失墜古來事反覆相見橫涕

泗嚮者玉珂人誰是青雲器才盡傷形體一作

骸病渴汗官位故舊獨依然時危話顛躓我

甘多病老子負憂世志胡為困衣食顏色少

稱遂遠作辛苦行順從衆多意舟楫無根蒂

蛟鼉好為祟况兼水賊繁特戒風飈駛崩騰

戎馬際一作險往往殺長吏子干東諸侯勸一作

勤勉防縱恣邦以民為本魚饑費香餌請哀

瘡痍深告訴皇華使使臣精所擇進德知歷

試惻隱誅求情固應賢愚異列一作烈士惡苟

得俊傑思自致贈子猛虎行出郊載酸鼻

上水遣懷

我衰太平時身病戎馬後蹭蹬多拙爲安得
不皓首驅馳四海內童稚日餬口但遇新少
年少逢舊親友低顏下色地故人知善誘後
生血氣豪舉動見老醜窮迫挫曩懷常如中
風走一紀出西蜀于今向南斗孤舟亂春華
一作草暮齒依蒲柳冥冥九疑葬聖者骨亦一作
已朽蹉跎陶唐人鞭撻日月久中間屈賈輩
讒毀竟自取鬱沒樊作二悲魂蕭條猶在否

齒岑清湘石逆行雜林藪篙工密逞巧氣若

酣盃酒歌謳互激遠樊作回斡明受樊作授

善一作蓋知應觸類各藉頽腕手古來經濟才

何事獨罕有蒼蒼衆色晚熊挂元虵吼黃羆

在樹顛正爲羣虎守羸骸將何適履險顏益

厚庶與達者論吞聲混瑕垢

遣遇

磬折辭主人開帆駕洪濤春水滿南國朱崖

雲日高舟子廢寢食飄風爭所操我行匪利
涉謝爾從者勞石間采蕨女鬻菜一作市輸官
曹丈夫死百役暮返空村號聞見事畧同刻
剝及錐刀貴人豈不仁視汝如莠蒿索錢多
門戶喪亂紛嗷嗷奈何黠吏徒漁奪成逋逃
自喜遂生理花時甘刊作貫縵袍

解憂

減米散同舟路難思共濟向來雲濤盤衆力
亦不細呀坑一作作帆瞥眼過飛櫓本無帶得
失瞬息間致遠宜恐泥百慮視安危分明曩
賢計茲理庶可廣拳拳期勿替

宿鑿石浦

早宿賓從勞仲春江山麗飄風過無時舟楫
敢不一作不敢繫回塘澹暮色日沒衆星嘒缺月
殊未生青燈死分翳窮途多俊異亂世少恩
惠鄙夫亦放蕩草草頻卒樊作年歲斯文憂患

餘聖哲垂豕繫

早行

歌哭俱在曉行邁有期程孤舟似昨日聞見

同一聲飛鳥數一作散求食潛魚亦一作向獨驚

前王作網罟設法害生成碧藻非不茂高帆

終日征干戈未一作異揖讓崩迫開樊作關其情

過津口

南岳自茲近湘流東逝深和風引桂楫春日

漲雲岑回首過津口而多楓樹林白魚困密

網黃鳥喧嘉音物微限通塞惻隱仁者心覓

餘不盡酒膝有無聲琴聖賢兩寂寞眇眇獨

開襟

次空靈岸

汙汙逆素浪落落展清眺幸有舟楫遲得盡

所歷妙空靈霞石峻楓一作枯隱奔峭青春

猶無一作有私白日亦一作已偏照可使營吾居

一作屋 終焉託長嘯毒瘴未足憂兵戈滿邊徼
嚮者留遺恨恥爲達人誚迴帆覬賞延佳處
領其要

宿花石戍

午辭空靈岑夕得花石戍岸疏開闢水一作山

木雜今古樹地蒸南風盛春熱西日暮四序
本平分氣候何迴互茫茫天造間理亂豈恆
數繫舟盤藤輪策杖古樵路罷人不在村野

圃泉自注柴扉雖蕪沒農器尙牢固山東殘
逆氣吳楚守王度誰能扣君門下令減征賦

早發

有求常百慮斯文亦吾病以茲朋故多窮老
驅馳併早行篙師怠席挂風不正昔人戒垂
堂今則奚奔命濤翻黑蛟躍日出黃霧映煩
促瘴豈侵頹倚睡未一作還醒僕夫問盥櫛暮
顏一作未靦青鏡隨意簪葛巾仰慚林花盛側

聞夜來寇幸喜囊中淨艱危作遠客干請傷
直性薇蕨餓首陽粟馬資歷聘賤子欲適從
疑悞此二柄

次晚洲

參錯雲石稠坡陁風濤壯晚洲適知名秀色
固異狀棹經垂猿把身在度鳥上擺浪散帙
妨危沙折花當羈離暫愉悅羸老反惆悵中
原未解兵吾得終疎放

望嶽

南嶽配朱鳥秩禮自百王歛吸領地靈鴻一作

頽洞半炎方邦家用祀典在德非馨香巡守

何寂寥有虞今則亡泊一作吾隘世網行邁

越瀟湘渴日絕壁出漾舟清光旁祝融五一作

三峯尊峯峯次低昂紫蓋獨不朝爭長衆相

望恭聞魏夫人羣仙夾翱翔有時五峯氣散

風如飛霜牽迫限一作恨修途未暇杖崇岡歸

來覲命駕沐浴休玉堂三歎問府主曷以贊
我皇牲璧忍一作感衰俗神其思降祥

湘江宴餞裴二端公赴道州

白日照舟師朱旗散廣川羣公餞南伯肅肅
秩初筵鄙人奉末眷佩服自早年義均骨肉
地懷抱罄所宣盛名富事業無取愧高賢不
以喪亂嬰保愛金石堅計拙百寮下氣蘇君
子前會合苦不久哀樂本相纏交遊颯向盡

宿昔浩茫然促觴激百慮掩抑淚潺湲熱雲

集曛黑一作初集黑缺月未生天白團爲我破華

燭蟠長烟鴟鷂一作鴟鷂一作鴟鷂催明星解袂從此

旋上請減兵甲下請安井田永念病渴老附

書遠山巔

清明

著處繁花務陳作華矜是一作是日長沙千人萬人

出渡頭翠柳艷明眉爭道朱蹄驕齧鄰此都

好遊湘西寺諸將亦一作遠自軍中至馬援

征行在眼前葛強山簡愛將也親近同心事金鐙

廣韻鐙下山紅粉一作日晚牙檣板棹青樓遠

古時喪亂皆可知人世悲歡暫相遣弟姪雖

存不得書干戈未息苦離一作難居逢迎少壯

非吾道况乃今朝更祓除

風雨看舟前落花戲為新句

江上人家桃樹枝春寒細雨出疎籬影遭碧

水潛勾引風妬紅花却倒吹吹花困癩一作嬾

傍舟楫水光風力俱相怯赤憎輕薄遮入一作

人懷珍重分明不來接一作折濕久飛遲半日

一作欲高縈沙惹草細於毛蜜蜂蝴蝶生情性

一作住偷眼蜻蜓避百勞

岳麓山道林二寺行

玉泉之南麓山殊道林林壑爭盤紆寺門高

開洞庭野殿腳插入赤沙湖五月寒風冷佛

一作拂骨六時天樂朝香爐地靈步步雪山草

僧寶人人滄海珠塔劫宮牆壯麗敵香一作石

厨松道清涼樊作崇俱蓮花樊陳俱作池交響共命

烏金榜雙迴三足烏方丈涉海費時節元圃

尋河知有無暮年且喜經行近春日兼蒙暄

暖扶飄然斑白身一作將奚適傍此烟霞茅可

誅桃源人家易制度橘洲田土仍膏腴潭府

邑中甚淳古太守庭內不喧呼昔遭衰世皆

晦迹今幸樂國養微軀依止老宿亦未晚富

貴功名焉足圖久為野一作謝客尋幽慣細學

何當作周顓免興孤一重一掩山也吾肺腑山一作

仙烏山花吾友于宋公之問也放逐曾題壁物

色分畱與一作待老夫

奉送魏六丈佑少府之交廣

賢豪贊經綸功成空名一作名空垂子孫不振耀

一云子孫沒不振歷代皆有之鄭公四葉孫長大常

苦飢衆中見毛骨猶是麒麟兒磊落貞觀事

致君樸直詞家聲蓋六合行色何其微遇我

蒼梧陰一作野忽驚會面稀議論有餘地公侯

來未遲虛思黃金貴一作遺自笑青雲期長卿

久病渴武帝元同時季子黑貂敝得無妻嫂

欺尚爲諸侯客獨屈州縣卑南游炎海甸浩

蕩從此辭窮途仗神道世亂輕土宜解帆歲

云暮可與春風歸出入朱門家華屋刻蛟螭

玉食亞王者樂張游子悲侍婢艷傾城綃綺

輕一作烟霧霏掌中琥珀鍾行酒雙逶迤新歡

繼明燭梁棟星辰飛兩情顧盼合珠碧贈于

斯上貴見肝膽下貴不相見一作疑心事披寫

閒氣酣達一作遠所爲錯揮鐵如意莫避珊瑚

枝始兼一作無逸邁興終慎賓主儀戎馬闔天

字嗚呼生別離

別張十三建封

嘗讀唐實錄國家草昧初劉裴建首義龍見
尚躊躇秦王撥亂姿一劔總兵符汾晉爲豐
沛暴隋竟滌除宗臣則廟食後祀何疎蕪彭
城英雄種宜膺將相圖爾惟外曾孫倜儻汗
血駒眼中萬少年用意盡崎嶇相逢長沙亭
乍問緒業餘乃吾故人子童叟聯居諸揮手
洒衰淚仰看八尺軀內外名家流風神蕩江
湖范雲堪晚晉作友嵇紹自不孤擇材征南

幕湖

一作湖

落回鯨魚載感賈生慟復聞樂毅

書主憂急盜賊師老荒京都舊邱豈稅駕大
厦傾宜扶君臣各有分管葛本時須雖當霰
雪巖未覺栝柏枯高義在雲臺嘶鳴望天衢
羽人掃碧海功業竟何如

暮秋枉裴道州手札率爾遣興寄近呈

蘇渙侍御

久客多枉友朋書素書一月凡一束虛名但

蒙寒溫問泛愛不救溝壑辱齒落未是無心
人舌存恥作窮途哭道州手札適復至紙長
要自三過讀盈把那須滄海珠八懷本倚崑
山玉撥棄潭州百斛酒蕪沒瀟岸千株菊使
我晝立煩兒孫令我夜坐費燈燭憶子初尉
永嘉去紅顏白面花映肉軍符侯印取豈遲
紫燕綠耳行甚速聖朝尙飛戰鬪塵濟世宜
引英俊人黎元愁痛會蘇息夸狄跋扈徒遠

巡授鉞築壇聞意旨頽綱漏網期彌綸郭欽

上書見大計劉毅答詔驚羣臣他日更僕語

不淺明公論兵氣益振傾壺簫管黑

一作理
荆作動

白髮儻劔霜雪吹青春宴筵曾語蘇季子後

來傑出雲孫比茅齋定王城郭門藥物楚老

漁商市市北肩輿每聯袂郭南抱甕亦隱几

無數將軍西第成早作丞相東山起烏雀苦

肥秋粟菽蛟龍欲蟄寒沙水天下鼓角何時

休陣前部曲終日死附書與裴因示蘇此生
已媿須人扶致君堯舜付公等早據要路思
捐軀

奉贈李八丈判官

曠

我丈時英特宗枝神堯後珊瑚市則無駮驥
人得有早年見標格秀氣衝星斗事業富清
機官曹正獨守頃來樹嘉政皆已傳衆口艱
難體貴安冗長吾敢取區區猶歷試炯炯更

持久討論實解頤操割紛應手篋書積諷諫

宮闕限奔走入幕未展材

一作懷

秉鈞孰爲偶

所親問淹泊泛愛惜衰朽垂白亂

一作辭

南翁

委身希北叟真成窮轍鮒或似喪家狗秋枯

洞庭石風颯長沙柳高興激荆衡知音爲迴

首

歲晏行

歲云暮矣多北風瀟湘洞庭白雪

一作雲

中漁

父天寒網罟凍莫徭射雁鳴桑弓去年米貴
闕軍食今年米賤大傷農高馬達官厭酒肉
此輩杼軸茅茨空楚人重魚不重鳥一作汝
休枉殺南飛鴻况聞處處鬻男女割慈忍愛
還租庸往日用錢捉私鑄今許一作來鉛錫和
青銅刻泥爲之最易得好惡不合長相蒙萬
國城頭吹畫角此曲哀怨何時終

人日寄杜二拾遺

高適

人日題詩寄草堂遙憐故人思故鄉柳條弄
色不忍見梅花滿枝空樊作堪斷腸身在南一作
遠蕃無所預心懷百憂復千慮今年人日空
相憶明年人一作此日知何處一臥東山二一作
三十春豈知書劍與一作老風塵龍鍾還一作遠
忝二千石媿爾東西南北人

追酬故高蜀州人日見寄并序

開文書帙中檢所遺忘因得故高常侍適

往居在成都時高任蜀州刺史人日相憶
見寄詩淚洒行間讀終篇末自枉詩已十
餘年莫記存歿又六七年矣老病懷舊生
意可知今海內忘形故人獨漢中王樊作郡王
瑀與昭州敬使君超先在愛而不見情見
乎辭大歷五年正月二十一日却追酬高
公此作因寄王及敬弟

自蒙一作枉蜀州人日作不意清詩久零落今

晨散帙眼忽開一作明 逆淚幽吟事如昨嗚呼
壯士多慷慨合沓高名動寥廓歎我悽悽求
友篇感時鬱鬱匡君畧錦里春光空爛熳瑤
墀侍臣已冥冥瀟湘水國傍鼉鼉鄴杜秋天
失鵬鶚東西南北更誰吳作堪論白首扁舟病
獨存遙一作猶拱北辰纏寇盜欲傾東海洗乾
坤邊塞西蕃最充斥衣冠南渡多崩奔鼓瑟
至今悲帝子曳裾何處覓王門文章曹植波

瀾闕服食劉安德業尊長笛誰能一作鄰家亂愁
思昭州詞翰與招魂

蘇大侍御訪江浦賦八韻紀異并序

蘇大侍御渙靜者也旅于江側凡一作是
不交州府之客人事都絕久矣肩輿江浦
忽訪老夫舟楫而已茶酒內余請誦近詩
肯吟數首才力素壯詞句動人接對明日
憶其湧思雷出書篋几杖之外殷殷留金

石聲賦八韻記異亦見老夫傾倒于蘇至
矣

龐公不浪出蘇氏今有之再開誦新作突過

黃初詩乾坤幾泊一云反覆揚馬宜同時今晨

清鏡中勝食齋房之余髮喜却變白間生一作

添黑絲昨一作夜舟火滅一作湘娥簾外悲

百靈未敢刊作散風破一作寒江遲

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿
一憔悴嗚呼已十年儒服弊于地征夫不遑
息學者淪素志我行洞庭野歛得文翁肆侏
侏胄子行若舞風雩至周室宜中興孔門未
應棄是以資雅才渙然立新意衡山雖小邑
首唱恢大義因見縣尹心根源舊宮闕講堂
非曩構大屋加塗墍下可容百人牆隅亦深
邃何必三千徒始壓戎馬氣林木在庭戶密

幹叠蒼翠有井朱夏時輓轡凍階屐耳聞讀

書聲殺伐災髣髴故國延歸望衰顏減愁思

南紀改陳作收波瀾西河共風味采詩倦跋涉

載筆尙可記一云常記異高歌激宇宙凡百慎失

墜

入衡州

兵革自久遠興衰看帝王漢儀甚照耀胡馬
何猖狂老將一失律清邊生戰場君臣忍瑕

垢河岳空金湯重鎮如割據輕權絕紀綱軍
州體不一寬猛性所將嗟彼苦節士素于圓
鑿方寡妻從爲郡兀者安堵牆凋弊惜邦本
哀矜存事常旌麾非其任府庫實過防怒作
怒已獨在此多憂增內傷偏裨限酒肉卒伍
單衣裳元惡迷是似聚謀一作洩康莊竟流
帳下血大降湖南殃烈火發中夜高煙焦上
蒼至今分粟帛殺氣吹沅湘福善理顛倒明

徵天莽茫銷魂避飛鏑累足穿豺狼隱忍枳
棘刺遷延胝趼瘡遠歸兒侍側猶乳女在旁
久客幸脫免暮年慙激昂蕭條向水陸汨沒
隨魚商報主身已老入朝病見妨悠悠委薄
俗鬱鬱回剛腸叅錯走洲渚春容轉林篁片
帆左柳岸通郭前衡陽華表雲鳥埤名園花
草香旗亭壯邑屋烽櫓蟠城隍中有古刺史
盛才冠巖廊扶顛待柱石獨坐飛風霜昨者

間瓊樹高談隨羽觴無論再繾綣已是安蒼

黃劇孟七國畏馬卿四賦良門闢蘇生在蘇生

侍御勇銳白起強問罪富形勢凱歌懸否臧

氛埃期必掃蚊蚋焉能當橘一作井舊地宅

仙山引舟航此行厭暑雨厥土聞清涼諸舅

剖符近開緘書札光頻繁命屢及磊落字百

行江摠外家養謝安乘興長下流匪珠玉擇

木羞鸞鳳我師嵇叔夜世賢張子房彼椽柴

荆寄樂土鵬路觀翱翔

舟中苦熱遣懷奉呈楊中丞通簡臺省

諸公

媿為湖外客看此戎馬亂中夜混黎甿脫身

亦奔竄遇臧玠之亂入衡州平生方寸心反掌一作帳

下難嗚呼殺賢良不叱白刃散吾非丈夫特

沒齒埋冰炭恥以風病辭胡然泊湘岸入舟

雖苦熱垢膩可漑灌痛彼道邊人形骸改昏

且中丞連帥職封內權得按身當問罪先縣
實諸侯半士卒旣輯睦啓行促精悍似聞上
游兵稍逼長沙館鄰好彼克修天機自明斷
南圖卷雲水北拱戴霄漢美名光史臣長策
何壯觀驅馳數公子咸願同伐叛聲節哀有
餘夫何激衰懦偏裨表三上鹵莽同一貫始
謀誰其間迴首增憤惋宗英李端公守職甚
昭煥變通迫脅地謀畫焉得筭王室不肯微
凶徒畧無憚此流須卒斬神器資強幹扣寂
豁煩襟皇天照嗟嘆

聶耒陽以僕阻水書致酒肉療飢荒江
詩得代懷興盡本韻至縣呈聶令陸路
去方田驛四十里舟行一日時屬江漲
泊于方田

耒陽馳尺素見訪荒江眇義士烈女家風流
吾賢紹昨見狄相孫許公人倫表前期刊作朝

翰林後屈跡縣邑小知我碍湍濤半旬獲浩

漾漾玉篇以沼切上磨下殺元戎湖邊有飛

旒孤舟增鬱鬱僻路殊悄悄側驚猿猱捷仰

羨鶴鶴矯禮過宰肥羊愁當置清醪人非西

喻蜀興在北坑趙方行柳岸靜未話長沙擾

崔師乞已至灃卒用矜少問罪消息真開顏

憇亭沼聞崔侍御濕乞師于洪府師已至袁

州北楊中丞琳問罪將士自灃上達

矣

